

Landesbibliothek Oldenburg

Digitalisierung von Drucken

**M. Tullius Cicero Mannvciorm Commentariis Illvstratvs
antiquaeq. lectioni restitutus**

Continens Libros III. de Officijs, Dialogus de Senectute, de Amicitia,
Paradoxa, Somnium Scipionis, ex VI. lib. de Rep.

Cicero, Marcus Tullius

Venetiiis, 1583

Praestantissimo Viro, Lavrentio Massae, Reip. Venetae Secretario.

[urn:nbn:de:gbv:45:1-770616](#)



PRAESTANTISSIMO VIRO,
LAVENTIO MASSAE,
Reip. Venetae Secretario.



MEos in M.T. Ciceronis de Amicitia Dialogum Tibi nuncupo
commentarios, mi LAVENTI MASSA. Tibi, inquam, quem
honestissimum, & ornatissimum uirum, tum propria, tum maio-
rum gloria, perillustrem, mihi arteissimo amicitiae uinculo adiu-
gere tanta dignum laude duco, ut maiorem experere nequeam. si
quidem ego, non tantum, honore, amplitudine, aut praepoter-
tum opibus, (quae omnia simul in Te maxima sunt) quam ani-
mo uirtute praedito delectari soleo. qui (ut cum Cicerone nostro
dicam) amare, aut redamare possit. qualem Tu medius fidius animum semper erga om-
nes, & me praesertim, quibuscumque licuit officiis, iisq. minime uulgaribus, ostendisti.
Iuxta, Venerem Charites, iuxta Bacchum Aethiopes quondam Mercurium ueteres posue-
re. & Capitolino Ioui uicina fuit Fides, ut in Catonis oratione scriptum fuit. Tuae uero
statuae, quae iampridem tali uirtuti debetur, ad immortalitatis memoriam ali quis ami-
citiac typus adiungendus profecto esset, & omnis de amicitia sermo, omnis oratio, & di-
sputatio ad Te merito pertinere debet, Tibi q. dicari. cum fortunas, animique uires pro
amicis profundere, ita proprium Tibi sit, & peculiare, ut, quod numquam uulgare fuit,
numquam permanauit ad multos, Tu uix Tibi patiare commune esse cum paucis. Quod
si ego, pro mea tenuitate, pari erga Te officio, & obseruantia, uti non potui: Deum ta-
men immortalem testor, numquam mihi officiosissimam uoluntatem defuisse. Quae
Tuis in primis, utaequum est, in me meritis, excitari, atque augeri solet, quoties eorum
mihi uenit in mentem, recolo autem ea saepissime: nihilq. minus uetusissimam, &
praeclarissimam Massonum familiam complector animo, ex qua dein Massae cognomi-
nantur, quae postquam omnem suam gloriam in Te, LAVENTI nobilissime, tran-
stulit, & illustrior facta est, & gloriosior. Etenim Nicolaus ille, Boccaccii testimonio ce-
lebris, & alter eius cognominis, uterque singulari medicae facultatis laude clarissimus,
Tibi merito cedunt. itemq. tres illi nihilominus illustres eiusdem item nominis, uirtu-
tisq. Antonii, quorum primus, Theologus clarissimus ordinis minorum, pro Nicolao
V. Nuncii Constantinopolitani munere functus est. Secundus uero Antonius Massa
Gallaesius, iuris, legumq. scientia adeo clarus, ut nulli suae memoriae in eo genere
praestanti uiro secundus foret. Tertius denique doctissimus ille, pater Apollonii, ad-
huc superstitis, qui tantum, atque tam praeclaram inter medicos laudem consecutus est,
nihil ut ad eam accedere posse uideatur. Hi, inquam, omnes Tibi merito cedant, qui
tantam iis redditis gloriam solus, quantam a tot uiris illustribus acceperis. Te enim non
temere Secretarium Resp. Veneta complectitur, filium amat, consultorem alloquitur, in
Te fidem laudat, amorem commendat, sapientiam admiratur, Te quoque cuiuscumque
ordinis homines suspiciunt, Tuamq. immensam uirtutem, & comitatem, quam uel ex
ipso adspectu, & corporis habitu contemplari licet, diligentissime colunt. Me studio-
rum paritas, uirtutis amor, communisq. animorum ardor, quo Critonium nostrum, di-

Cc t uinum

nium plane iuuenum, prosequimur, subigit, ut Te aequa ac ipsum amem, & , quae ipse de Te cecinit, in primisq. ea, quae hic subscripti, dulcis utriusque uestrum memoriae ergo saepe, ac libenter usurpem.

Vale. Venetiis, siib. Iu. CIC. CLXXXCI.



I A C O B I . C R I T O N I I
S C O T I

Ad Clarissimum uirum, Patritium Venetum,
I O A N N E M · D O N A T V M
Ode.

DV^m cupidus, tumidusq. Deo tua dicere facta,
Donate, quaero, maxime;
Mens desideriis ardet, sed lenta fatiscit
Sub corde uirtus anxio.
Non tenui tentanda uidens freta turbida uelo,
Tardoq. Pontum remige,
Compresso feroire semel sub pectore anhelo
Labore desisto graui.
Sed nihil intonsus frustra mihi Cinthius umquam
Suasit, uel alta numina.
Ergo Deum, & doctas saepe in mea uota camoenas
Rursus inuoco furens.
Tum mens euehitur multa seu candidus aura
Olor leuatus euolat,
Praepetibusq. petit uolitans sublimia pennis,
Magnumq. inane diuidit.
Victorem armatae flammis si Musa Chimerae
Canora uatis extulit,
Siue trucidantes immania monstra, uel ipsum
Natum Marinae Tethyos,
Aut Anchisiadem, Priameiumq. Hectora grande
Carmen poetarum beat,
Si uiuunt Theronque, Hieronque, atque Ithacus ille,
Ob uana Clari ludicra,
Quos numquam obscura sub nube silentia condent
Obliuiosa Tartari,
Hoc opus ovestrum, Musae, est. mihi cingite frontem,
Tempusq. Lauro Apollinari.
Nec deerit diuos inter, regesq. deorum
Genus, Donato gloria.

